

SALWANI MD ZAIN salwani@sinarharian.com.my Foto: Koleksi Kelab Enactus Usim

# Selesai masalah ekonomi dan sosial



KAMI CAKNA

Ahli Kelab Enactus ketika melawat Uni10 Energy Sdn Bhd.

kawasan pedalaman, juga menjana meningkatkan ekonomi kawasan terbabit.

Sehubungan itu, baru-baru ini, bagi membantu Kelab Enactus Usim meneruskan usaha murni menyumbang bakti kepada masyarakat Negeri Sembilan, 1M4U telah menyumbangkan dana berjumlah RM17,000 melalui penyerahan cek daripada Muhammad Khairul Amir Fadzilah kepada Timbalan Naib Canselor, Hal Ehwal Pelajar, Usim, Prof. Datuk Asin Dollah, mewakili Kelab Enactus.

Dana daripada 1M4U diperoleh hasil daripada pertandingan pembentangan idea ketika *EVE Summit 2014* di Putrajaya dengan kerjasama 1M4U melibatkan usahawan-wanita muda yang berminat untuk meluaskan perniagaan.

Daripada sembilan pembentang yang disenarai pendek, empat darinya adalah wakil Kelab Enactus Usim terdiri daripada Nur Atiqah Ismail, Fatim Nur Amalina Mansor, Nabila Huda Sa'ari dan Nur Hafiza Abu Kassim.

Mereka membentangkan setiap satu projek Enactus dalam pencarian dana

tambahan. Setiap satu projek mendapat dana tambahan sebanyak RM5,000 dan RM2,000 untuk projek *Financial Literacy*.

Penasihat Kelab Enactus, Siti Nurulhuda Nordin, berkata penglibatan pelajar dalam membuat pembentangan idea kepada pihak luar dapat memberi maklumat tentang projek yang dijalankan dan dalam masa yang sama membantu meningkatkan keyakinan diri mereka.

"Selain daripada dana institusi luar, Kelab Enactus Usim juga menerima dana tahunan daripada universiti sendiri. Setiap dana yang diterima amat penting demi kelangsungan setiap projek yang akhirnya segala manfaat akan kembali kepada masyarakat, bersesuaian tema Enactus, *fight, empower, bridge to a better life*," jelas Siti Nurul Huda.

Sementara itu, menurut Aiman pula, dia amat berharap agar setiap projek yang dijalankan dapat memberi kesan positif kepada semua di samping menyelesaikan masalah ekonomi dan sosial yang dihadapi masyarakat setempat.

## EMPAT PROJEK BERIMPAK TINGGI

Jelas Aiman, tahun empat projek besar dirangka dalam usaha membantu masyarakat meningkatkan taraf ekonomi. Antaranya adalah, *Golden Oil*, *Musacea*, *Claridae*, dan membantu perusahaan kecil dan sederhana membuat pinjaman daripada Amanah Ikhtiar Malaysia (AIM).

Katanya, untuk projek *Golden Oil* kelab ini telah mengadakan lawatan ke Uni10 Energy Sdn Bhd di Bandar Baru Bangi ini untuk mengukuhkan lagi kerjasama antara dua pihak di samping berbincang lebih dekat mengenai operasi pemrosesan minyak masak terpakai dan menambah pengetahuan tentang biodiesel.

"Projek *Golden Oil* secara umumnya menumpukan kepada penjanaan pendapatan di samping memulihara alam sekitar dengan mengumpul minyak masak terpakai dan memproses kepada

biodiesel.

Selain dapat menjaga kebersihan alam sekitar daripada tercemar, projek ini juga dapat menjaga ekonomi masyarakat setempat kerana setiap seliter minyak yang dikumpul akan dibayar.

Menurut pengarah lawatan ke Uni10 Energy Sdn Bhd, Ahmad Mahdiyuddin Abdul Manan, projek sedemikian amat penting dalam menjaga alam sekitar di samping menjana ekonomi kalangan masyarakat setempat khususnya berpendapatan rendah.

"Perkara ini amat penting supaya projek ini dapat diteruskan secara berpanjangan dan di besarkan skalanya," katanya.

Tiga lagi projek yang juga bawa kepentingan kepada kelab adalah seperti *Musacea*, mengajar penanaman pisang secara teratur di kawasan Orang Asli, Jelebu Negeri Sembilan.

*Claridae* pula, projek yang mencipta sistem untuk membela ikan keli, memberi benih, makanan ikan dan bagaimana untuk menangkap dan memproses ikan tersebut untuk dijual memandangkan pembela ikan adalah kalangan orang kurang upaya (OKU).

Jelas Aiman, projek yang juga meninggalkan kesan ketara ke atas masyarakat adalah membantu melancarkan pengurusan kewangan, juga pemasaran terutama golongan PKS luar bandar yang kekurangan dari segi dan ilmu keusahawanan.

"Kerjasama ini melibatkan agensi pembiayaan mikro, AIM. Kami turun padang mengajar mereka cara buat pinjaman serta formula bayar balik dan sebagainya," katanya.

INFO

Persatuan di universiti awam dan swasta serta IPTA/IPTS yang berminat untuk berkongsi cerita menarik, emailkan kepada [salwani@sinarharian.com.my](mailto:salwani@sinarharian.com.my)

**K**elab Enactus Universiti Sains Islam Malaysia (Usim) adalah sebuah lagi kelab peringkat universiti bergiat aktif, lebih-lebih lagi dalam menjayakan program kesukarelawan. Kelab ini juga turut bergandingan dengan komuniti setempat bagi membantu masyarakat di samping memupuk semangat setia kawan dan saling kerjasama sesama ahli.

Setakat ini, Kelab Enactus Usim menjalankan empat projek utama iaitu, Projek *Golden Oil*, Projek *Musacea*, Projek *Financial Literacy* dan Projek *Claridae*.

Setiap projek diperkenalkan dan diurus secara bersama antara Kelab Enactus Usim dan penduduk setempat dengan tujuan utama untuk membantu masyarakat menyelesaikan masalah berkaitan ekonomi, sosial dan alam sekitar.

Presidennya, Aiman Ahmad, berkata kelab ini terdiri daripada 320 ahli tahun ini, 210 daripadanya terdiri daripada ahli yang aktif. Fokus utama dan pendekatan adalah menyalurkan pengetahuan kepada masyarakat terutama di



Projek Golden Oil Kelab Enactus Usim yang dijangka beri manfaat besar kepada penduduk pedalaman.